

La ostarie leterarie 'virtuâl' di 'Contecurte' Le devente reâl a ducj i efiet! Par domenie ai 31 di Zenâr aes cinc dopomisdì, **Rafaël Serafin**, premi San Simon 2015, al à pensât il prin 'Contecurte day' li di vile Bellavitis, sede de biblioteche di Lestize, pensât dal pirotecnic ostîr **Rafaël Serafin**.

Domenie ai 31 di Zenâr si tignarà il prin 'Cortecurte day' li di vile Bellavitis, sede de biblioteche di Lestize, pensât dal pirotecnic ostîr **Rafaël Serafin**.

» DI CHRISTIAN ROMANINI



Rafaël Serafin
cun Checo Tam

UN VÊR CONCORS

No si trate dome di une esibizion, ma di un vêr concurs viert a ducj chei che a àn voie di partecipâ: simpri sul blog contecurtegnove.blogspot. it si cjate il regolament "Lis contis (mancul di doimil batudis) inviadis dentri dai 28 di Zenâr, se ametudis in gare dal Ostîr de Ostarie, a saran anonimis e dome l'autôr al savarà che quale che e je la sô conte".

Chês selezionadis a saran proponudis dal funambolic famei de Ostarie (**Checo Tam**), dal magnetic Berlon (**Michêl Londar**) e de inmagante Camarele (**Lussia di Uanis**) che a leieran lis contis

La Ostarie e devente reâl

compagnâts dal Cjantôr Bizio Citos.

La conte che e risulterà vincidore in grazie dal parê dal public e nomenarà il prin 'Cont des Contis', che al sarà premiât cui omaçs dal Agriturismo Pituel di Talmassons.

"O vin decidût daurman di sostignî cheste iniziative" al comente **Geremia Gomboso**, sindic di Listize "parcè che nus somee un otim esempli

par mostrâ ai zovins lis potenzialitâts de lenghe furlane e vie pal an o varin altris ocasions par tornâ sul argoment".

Dongje dal blog, e je ancje la pagjine facebook www.facebook.com/ostarieleterarie, dulà che si puedin cjatâ ducj i inzornaments dal Contecurte Day e de Ostarie leterarie.



ilfriuli@ifriuli.it

■ RASSEGNE

'Mi ven di reading' cun Progetto Alfa beta

Martars ai 26 di Zenâr, Maes 20.30, te librarie "Tarantola" di Udin si scree "Mostra la lingua", rassegne inmaneade de associazion Progetto Alfa Beta par cure di **Elisabetta Pozzetto** che si propon di lâ ae scuvierde dai ferments creatîfs tes lenghis mancul pandudis. Si tacarà cu la lenghe furlane, ospitant un event - dutun cun Comun di Codroip e Arlef - che al à a ce fâ cul Premi San Simon: "Mi ven di reading", il spetacul di cjararis e leturis par pandi i lavôrs dal Premi, che in chest câs al sarà dedicât ae opare vincidore de 36me edizion, ven a stâi "Soreli jevat a mont" di Raffaele Serafini.

A cjararâ cul autôr al sarà il gjornalist **Walter Tomada**. A lei lis contis **Carlo Tolazzi**, e il vicepresidente de Progetto Alfa Beta, **Mauro Missana**. Pe ocasion, Serafini al regalarà la leture di une conte inedite che no je te raccolte editade di Forum.

SCOLTADIS DI DRIUS

Gustâ di lusso

Par Nadâl o ài prontât un gustâ di "lusso". Spindût un patrimoni par fâ bieles figure. Le femine mi à fat i compliments pes patatis lessis!



RADIO ONDE FURLANE
FM 90.0 WWW.ONDEFURLANE.EU



Scoltinus ancje in streaming o cu la APP (iOS e Android)!

Dute une altre lenghe, dute une altre musiche!

Tel. 0432 530614



@OndeFurlane



facebook.com/radioondefurlane